

„ buchodonosor volens decipere homines
 „ per calicem Babylonis dolosum , non mi-
 „ scuit in vase fictili , quod parabat potari ;
 „ sed neque in paulo meliore , & æreo vase ,
 „ vel stanneo , & quod ista præcellit , argen-
 „ teo ; verum eligens vas aureum , in eo po-
 „ culum temperavit , ut qui videns decorum
 „ auri , dum radiantis metalli pulchritudine
 „ delectatur , & totus oculis hæret in specie ,
 „ non consideret quid intrinsecus latiter , &
 „ arripiens calicem bibat , nesciens calicem
 „ Nabuchodonosor : sed animadverte pes-
 „ simorum dogmatum verba mortifera , qua-
 „ lem habeant compositionem , qualem de-
 „ corem eloquentia , qualem rerum divisio-
 „ nem . Meus Jésus contra fecit , sciens au-
 „ reum calicem Zabuli , & præcavens nè ali-
 „ quis ad fidem suam veniens suspicaretur ,
 „ etiam Christi talem esse calicem , qualem
 „ requirat , & per similitudinem materiæ for-
 „ midaret errorem : Ideo curavit , ut habe-
 „ remus thesaurum istum in vasis fictilibus .
 „ Sæpe vidi aureum calicem in pulchro ser-
 „ monis ornatu , & dogmatum venena con-
 „ siderans , deprehendi calicem Babylonis .

S. Hieronymus in Micheæ caput 1. „
 „ Dulcia , inquit , sunt hæreticorum carmi-
 „ na , & suavi voce populos decipientia : nec
 „ potest eorum cantica præterire , nisi qui
 „ obturaverit aurem suam , & quasi surdus
 „ evaserit „ . Huc quoque resert idem San-
 „ cus Doctor illud proverbiorum : Nè attendas
 „ fallacia mulieris ; favus enim diffillans labia
 „ meretricis , & nitidius oleo guttur ejus ; novis-
 „ fima autem illius amara quasi absynthium , &
 „ lingua acuta quasi gladius biceps .

In quod sic animadvertis lib. 1. comment.
 Proverb. cap. 5. „ Cùm in ore hæreticorum
 „ dulcedo eloquentia , non ad sufficientiam
 „ solummodo , verum etiam ad superfluita-
 „ tem resonat , ob id falsitas , quia apte pro-
 „ ferri cernitur , veritas à stultis æstimatur . „
 Hâc fallaciâ utinam Quesnellus solos stultos
 circumvenisset ! Sed quicunque istiusmodi
 verborum illecebros in hærescos , & schismati-
 sis retia se pertrahi possunt , et si in aliis
 sapere videantur , in præsenti re gravissima-
 sine dubio desipiunt . Ista est una inter pro-
 gressus hæretici causas , quam Priscillianus ,
 Arius , Nestorius , Pelagius , & plura veterum
 ac recentium hæreticorum monstra Quesnel-
 lum edocere potuerint . Ex isto fonte partim
 profluxerit hæreticorum benedictio , quam
 Quesnellus Deo non meliore tribuit ratione ,
 quam cæteri hæreticorum .

Alia nihilo salubrior benedictionis illius
 origo , à Tridentino historico designatur ,
 quod systema Jansenii accederet ad Calvini

errorem , quo Gallia , & Belgij provinciæ re-
 spersæ sunt . Unde quotquot illuc Calvinianam
 hæresim , seu profitebantur palam , seu
 fovebant animo , non poterant non suscipe-
 re avidè librum Jansenii , ac postea Quesnelli ,
 quos constat , & inter se ubique , & cum Cal-
 vino in plerisque dogmatibus de auxiliis gra-
 tiae ac libertate arbitrii convenire . De Bene-
 dictione Janseniani voluminis apud Calvinisti-
 tas testabatur Paulus Calonus Ecclesiæ Le-
 cardamenis in Hollandia Calvinianus Ad-
 minister anno 1641. 12. Februarii sic scribens
 ad Jansenii fratrem Catholicum : Die quintæ
 bujus mensis vir honoratus Hagæ-comitis exhib-
 uit miti volumen ingens , & præclarum fratis
 tui Continet liber hic defensionem unius ex
 præcipuis religionis veræ Christianæ articulis
 sub nomine S. Patris Augustini . Ifstud ipsum dog-
 ma est , quod apud nos constanter traditur , &
 prædicatur : pro cuius defensione dilectissimus
 frater tuus testatur se multa Lovaniæ sustinuisse
 prælia , multa indigna perpeccum . Atque ecce
 jam indè à Pontificio apud Bruxellenses Nun-
 tio , Jesuitarum artibus concitato , liber idem
 proscriptus est . Gratias ago Deo , & agam pu-
 blicè , pro tam propitio lumine , quo fratri tui
 intellectum illustrare dignatus est . Laudem me-
 retur frater tuus singularem , quem prædicare
 nunquam desinam Mox ubi fratri tui lib-
 rum nactus fuero , ad gregis mei ædificationem
 illo , ut par est , utar . Idem Jansenii liber à
 Gisberto Voëtio , Jacobo Friglando , Hugone
 Grotio , & aliis passim Calvinianis approba-
 tus , mille in cœlum laudibus elevatus est ,
 etiam postquam Sedis Apostolicæ fulmini-
 bus ad inferos detrusus fuerat .

Insignem in Calvinianâ pietate progres-
 sum ex libro Jansenii fecerit Joannes Wiertz ,
 qui cùm esset Principi Auriaco à Consiliis ,
 tamen occupationibus publicis tot horas
 suffuratus est , ut in lucem ederet librum hoc
 titulo : Centuria colloquiorum Dei , & animæ ,
 quibus Jansenianam de Gratia doctrinam è
 Campo disputationis Martio in placidum medi-
 tandi Elysium , compendio transducere conatus
 est . Verus autem Janseniani operis fructus
 fuit , quod eodem teste Wiertzio , exarserit
 subito illa dissidii Theologici flamma , que post
 modum Gallicas , aliasque Christiani Orbis re-
 giones pervagata , charitatis scholas , contentio-
 nis reddidit palestræ . Idem effectus est Ob-
 servationum Moralium Quesnelli , ut tota no-
 vit , & luget Ecclesia . Non minus benedictio-
 nis hæreticæ consecutus est Jansenianus de
 Gratia Catechismus variis titulis , & editioni-
 bus etiam post damnationem donatus , qui
 teste Calvinista Melchiore Leydeckero Thesi
 § 6. Medullam Janseniani voluminis continet .
 Ibi